



Broj. 02-11-17583/24-9  
Mostar, 02.12.2024.godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“ broj 39/14, 59/22 i 50/24) (Zakon), člana 43. Statuta Grada Mostara („Gradski službeni glasnik Grada Mostara“ broj: 4/04, „Službeni glasnik Grada Mostara“ broj: 8/09 i 15/10), a na osnovu Preporuke Komisije za javnu nabavku Isporuka, montaža, demontaža i skladištenje proizvoda za iluminaciju objekata i javnih površina broj: 02-11-17583/24-8 od 29.11.2024.godine, gradonačelnik Grada Mostara donio je

## **ODLUKU**

### **o izboru najpovoljnijeg ponuđača u postupku nabavke Isporuka, montaža, demontaža i skladištenje proizvoda za iluminaciju objekata i javnih površina**

#### **Član 1.**

(1) **Predmet javne nabavke** ( u daljem tekstu: nabavka): Javna nabavka Isporuka, montaža, demontaža i skladištenje proizvoda za iluminaciju objekata i javnih površina

#### **Član 2.**

(1) **Javno oglašavanje:** Obavještenje o nabavci broj: 1059-1-1-134-3-167/24 objavljeno na PJN dana 31.10.2024.godine.

#### **Član 3.**

(1) **Procijenjena vrijednost nabavke:** 213.6470,00KM (bez PDV-a)  
(2) **Izvor finansiranja:** Sredstva u Budžetu/Proračunu Grada Mostar za 2024.godinu; stavka „Nabavka urbanog mobilijara - vinjete“; Fond 229, Funkcija 0661, Ek kod 821372, Organizacijski kod 0802; stavka „Osvjetljivanje gradskih objekata – vinjete ts“; Fond 229, Funkcija 0531, Ek kod 821000, Organizacijski kod 0802

#### **Član 4.**

(1) **Vrsta postupka nabavke:** Otvoreni postupak.

#### **Član 5.**

(1) **Broj zaprimljenih ponuda:** 2 (dvije).

#### **Član 6.**

(1) **Izabrani ponuđač/grupa ponuđača:**  
„MK ILUMINACIJE“ d.o.o. Široki Brijeg, sa cijenom 212.976,00KM (bez PDV-a).

#### **Član 7.**

(1) **Objava:** Odluka će se objaviti na web-stranici [www.mostar.ba](http://www.mostar.ba) istovremeno sa upućivanjem ponuđačima koji su učestvovali u postupku javne nabavke.

## Obrazloženje

Odlukom gradonačelnika Grada Mostara broj: 02-11-17583/24 od 30.10.2024.godine pokrenut je postupak javne nabavke Isporuka, montaža, demontaža i skladištenje proizvoda za iluminaciju objekata i javnih površina putem otvorenog postupka.

Obavještenje o nabavci broj: 1059-1-1-134-3-167/24 objavljeno je na PJN dana 31.10.2024.godine.

Ukupna procijenjena vrijednost nabavke je 213.670,00KM (bez PDV-a).

Komisija za javnu nabavku imenovana je Odlukom broj: 02-11-17583/24-1 od 30.10.2024.godine.

Komisija za javnu nabavku je dana 25.11.2024.godine pristupila javnom otvaranju blagovremeno dostavljenih ponuda, sačinila Zapisnik o otvaranju ponuda i konstatovala da su u roku određenom za dostavljanje ponuda, dostavljene 2 (dvije) ponude i to:

1. „M.K. Iluminacije“ d.o.o Široki Brijeg sa ponuđenom cijenom 212.976,00KM i PDV od 36.205,92KM  
Ukupna cijena 249.181,92 KM.
2. „ELKO-MARIĆ“ d.o.o. Mostar sa ponuđenom cijenom 213.600,00KM i PDV 36.312,00KM  
Ukupna cijena 249.912,00KM

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila sljedeće:

- **ponuda broj 1 ponuđača „MK ILUMINACIJE“ d.o.o. Široki Brijeg** ispunjava formalno pravne i tehničke uslove i zahtjeve iz tenderske dokumentacije, te je ponuda prihvatljiva za ugovorni organ.
- **ponuda broj 2 ponuđača „ELKO-MARIĆ“ d.o.o. Mostar** ne ispunjava formalno pravne i tehničke uslove i zahtjeve iz tenderske dokumentacije te je ponuda neprihvatljiva za ugovorni organ iz sljedećih razloga:

Tačkom 13.2. a) tenderske dokumentacije traženo je iskustvo u realizaciji najmanje jednog ili više ugovora, a koji su u vezi s predmetnom nabavkom, u prethodne 2 (dvije) godine ili od datuma registracije, odnosno početka obavljanja djelatnosti, ako je ponuđač počeo sa radom prije manje od tri godine, čiji zbirni iznos je jednak procijenjenoj vrijednosti predmetne nabavke a što se dokazuje tačkom 15.2.a) spisak izvršenih ugovora koji su u vezi s predmetnom nabavkom (isporuka, montaža, demontaža i skladištenje proizvoda za iluminaciju objekata i javnih površina), za period ne duži od 2 (dvije) godine ili od datuma registracije, odnosno početka poslovanja, ako je ponuđač registrovan, odnosno počeo s radom prije manje od 2 (dvije) godine.

Uz spisak izvršenih ugovora ponuđač **je dužan dostaviti potvrde** koje su izdali primaoci roba, a koje obavezno sadrže: naziv i sjedište ugovornih strana ili privrednih subjekata, vrijednost ugovora, vrijeme i mjesto izvršenja ugovora i navode o uredno izvršenim ugovorima.

U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbijede. Ukoliko obrazloženje i dokazi ne budu dostavljeni ili ukoliko ugovorni organ utvrdi da isti ne dokazuju da je do

nemogućnosti došlo usljed činjenica izvan kontrole ponuđača, izjava se neće prihvatiti i ugovorni organ će se odbaciti kao nevaljanju.

Ponuđač ELKO-MARIĆ d.o.o. dostavlja spisak izvršenih ugovora, odnosno kako na stranici broj 16 svoje ponude navodi Referens listu 2022-2023 javne rasvjete. Analizom prethodno navedene Referens liste je utvrđeno da se navedeno ne može smatrati relevantnim iz razloga jer je tenderskom dokumentacijom navedeno dostavljanje spiska izvršenih ugovora koji su u vezi sa predmetnom nabavkom a što se za navedenu Referens listu ne može reći kako nazivom same Referens liste tako i sadržajem iste a koja se odnosi na rasvjetu magistralnih i autoputeva, rasvjetu mosta, održavanje transformatorskih stanica i slično a što se dalje vidi i iz dostavljenih potvrda. Tenderskom dokumentacijom je dalje navedeno da je ponuđač dužan dostaviti potvrde koje su izdali primaoci roba a koje obavezno sadrže: naziv i sjedište ugovornih strana ili privrednih subjekata, vrijednost ugovora, vrijeme i mjesto izvršenja ugovora i navode o uredno izvršenim ugovorima. Ponuđač ELKO-MARIĆ na stranicama 18. 20. i 22. dostavlja Potvrde o uspješnoj realizaciji ugovora. Analizom navedenih potvrda je kontaktovano sljedeće:

Potvrda China state construcion engrg.corp.ltd u sadržaju koji se odnosi na predmet ugovora navodi nabavku elektromaterijala te izvođenje građevinskih i elektromontažnih radova na izgradnji rasvjete na M6 I M17 na autoputu Vc-Petlja Počitelj LOT1 te kao opis poslova navodi sljedeće: iskopi rova za polaganje kablova, izrada temelja za stubove, nabavka i ugradnja rasvjetnih stubova, nabavka ugradnja i priključenje svjetiljki za cestovnu rasvjetu, nabavka i polaganje kablova, nabavka i montaža slobodnostojećih ormara za javnu rasvjetu, nabavka i ugradnja ostalog elektro i potrošnog materijala za potrebe realizacije ugovora.

Iz prethodno navedenog komisija zaključuje da se navedena potvrda ne može smatrati relevantnom za predmetnu nabavku.

Potvrda People in Need u sadržaju koji se odnosi na predmet ugovora navodi rekonstrukciju javne rasvjete na Trim stazi u Mostaru ( nabavka i postavljanje 70 čeličnih stubova javne rasvjete i 70 stubnih svjetiljki javne rasvjete sa pripadajućim instalacijama ).

Iz prethodno navedenog komisija zaključuje da se navedena potvrda ne može smatrati relevantnom za predmetnu nabavku.

Potvrda Birotim d.o.o. u sadržaju koji se odnosi na predmet ugovora navodi nabavku i ugradnju rasvjetnih tijela i agregata na objektu Hotel Nomad Bjelašnica te kao opis poslova navodi elektroinstalaterske radove jake struje.

Iz prethodno navedenog komisija zaključuje da se navedena potvrda ne može smatrati relevantnom za predmetnu nabavku.

Tačkom 13.2. b) traženo je dostavljanje kataloga roba koja je predmet nabavke a čiju je vjerodostojnost kandidat/ponuđač obavezan potvrditi a što se dokazuje tačkom 15.2.b) tenderske dokumentacije, Katalog ili brošura (sa opisom i fotografijama) ponuđene robe koji mora da sadrži dokaze za sve zahtijevane tačke iz tehničke specifikacije.

Analizom ponude ponuđača ELKO-MARIĆ d.o.o. je utvrđeno da navedeni ponuđač nije dostavio ništa od prethodno navedenog te se ne može utvrditi šta navedeni ponuđač u svojoj ponudi zapravo nudi.

U skladu sa naprijed navedenim, ponuda ne ispunjava sve zahtjeve iz TD te je neprihvatljiva i ne može biti predmet vrednovanja

Obzirom da je tenderskom dokumentacijom broj 02-11-17583/24 predviđeno provođenje E-aukcije, te imajući u vidu da je nakon ocjene ponuda u predmetnom postupku javne nabavke dostavljena jedna prihvatljiva ponuda, Komisija je zaključila da se e-aukcija ne može zakazati. Naime, shodno čl. 3. st. 3. Pravilnika o uvjetima i načinu korištenja e-aukcije („Sl. glasnik BiH“, br. 80/23) u slučaju prijema jedne prihvatljive ponude e-aukcija se ne može zakazati, **nego se postupak okončava u skladu sa članom 69. Zakona.**

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Gradonačelnik

Mario Kordić



Dostaviti:

1. ponuđačima
2. Služba za budžet i finansije
3. Tajništvo gradonačelnika/objava na web-stranici
4. u spis
5. a/a